

1. Böt

Il club da skiunzs da Zuoz sporscha cun prioritad als iffaunts da la regiun Plaiv la pussibiltad da gioldair il sport d'inviern (ski alpin e passlung) insembel cun oters iffaunts e suot controlla dad ün mneder adatto. Il böt es da motiver ils iffaunts dad esser sportivs ed activs e da promover la cumpagnia traunter els derivand dals divers cumüns.

2. Participaziun

Fer adöver da la spüerta paun tuot ils iffaunts da 1a fin 9evla classa dals cumüns da la Plaiv. Ils iffaunts dvaintan tres lur participaziun comembers juniors dal club. Cha almain üna part dals genituors dvainta comember dal club s'inclegia. Iffaunts dad oters cumüns vegnan acceptos bè scha üna part da sieus genituors es comember dal club.

3. Qualificaziuns

Per pudair participar als trenamaints d'inviern vegnan dumandadas las sequintas qualificaziuns:

- **Ski alpin: savair ir cun runels e s-chabelleras e savair gnir giò da Pizzet sainza problems.**
- **Passlung: savair as mover in ün möd già sgür süls skis da passlung.**

Ils mneders haun il dret da refüser la participaziun d'ün iffaunt scha el nu cumplischa cun quistas reglas. Il club da skiunzs nun es üna scoula da skis/passlung. La mandura ho dad esser adatteda ed üna chaplina es obligatorica per la disciplina alpin.

4. Cuosts

CHF 75.00 per il trenamaint da sted, passlung u ün mez di alpin
CHF 100.00 per trenamaint da sted, passlung ed ün di inter skis.
Tar annunzcha retardada plus CHF 25.00 per iffaunt.

5. Agüd dals genituors

Ils genituors sun dumandos da sustegner il club e l'JO in agüdand scu voluntari tar evenimaints. Que as tratta impustüt da La Diagonela (mited schner) e tal Marathon da skis Engiadinais (mited marz). Üna part dals genituors es oblio da güder ad ün da quists duos evenimaints. Scha que nun es il cas, haun ils genituors da pajer zieva üna contribuziun da CHF 100.00 per iffaunt per an. Il club do oura bundant CHF 10'000.00 l'an per l'JO (indemisaziun mneders, cuosts dad organisaziun da las cuorsas, premis, etc.) e mincha iffaunt survegn üna giacca (impresteda). Sainza la restauraziun al böt dal Marathon da skis Engiadinais nu pudess il club mantegner la contribuziun annuela uschè bassa. Dunque drouva il club agüd dals genituors per pudair continuer uschè eir in avegnir. Natürelmaing esa giavüscho cha'ls genituors dvaintan eir comembers dal club ed as partecipeschan vi da la vita dal club. La taxa per creschieus es da CHF 35.00 per an.

6. Trenamaints

Ils trenamaints cumainzan fingià in utuon, vuol dir l'ultim'eivna d'avuost e d'üran fin la fin da la stagiun d'inviern, vuol dir la mited da marz. Chi chi's annunzcha per participar a l'JO visitescha in regla sia ils trenamaints da cundiziuns in utuon scu eir ils trenamaints sün naiv in inviern. Il coach da l'JO po permetter excepziuns. Ils trenamaints haun lö in marcudli e d'inviern eir in sanda. Mincha iffaunt visitescha ils trenamaints d'inviern in quella disciplina cha el as ho annunzcho. Ils trenamaints da sanda cun skis alpin stau liber eir als iffaunts chi faun passlung. Ils programs actuels vegnan publichos sün www.club-da-skiunzs-zuoz.ch.

7. Annunzcha

Mincha iffaunt survegn al cumainzamaint da l'an da scuola ün fögl per as annunzcher per l'JO ed il reglamaint scu infurmaziun per ils genituors. Üna vouta annunzcho es l'ffaunt oblio da participar als trenamaints ed ils genituors sun oblios da pajer la contribuziun annuela chi vegn miss in quint in november/december. Cun l'annunzcha da lur iffaunt acceptan ils genituors il reglamaint ed impustüt eir il punct 5 (agüd dals genituors).

8. Sgüraunza

Mincha iffaunt stu esser sgüro cunter accidaints tres ils genituors. Il club nu surpiglia üngüna respunsabiltad in cas d'accidaints e nun ho neir üngüna sgüraunza per quists cas. La sgüraunza es in mincha cas dovair da mincha singul partecipant da l'JO.

9. Persuna da contact

Scu persuna da contact dals iffaunts e genituors fungescha il mneder da la gruppa in têla cha l'ffaunt vegn partieu aint. Tuot ils iffaunts survegnan üna glista dals partecipants cun l'adressa completa dal mneder. S-chüsas sun dad adresser al mneder. Ün comember da la suprastanza, agischa scu "Coach JO". Quista persuna es respunsabla per l'organisaziun da l'JO dal club. Ils trenadurs sun respunsabels per l'execuziun dals trenamaints.

10. Disposiziun finelas

Quist reglamaint aintra in vigor per la stagiun 2008/2009 e resta valid fin cha el vegn revais da la suprastanza o sün dumanda da la radunanza generala.

Per la suprastanza

Claudio Duschletta
President

Thomas Fent
Coach JO